




UČIMO O PSIMA, JER **SIGURNOST JE NAJVAŽNIJA!**





• Februar, 2019. godine
© Predstavništvo Fondacije Dogs Trust u BiH | www.dogstrust.ba



**UČIMO O
PSIMA, JER
SIGURNOST JE
NAJVAŽNIJA!**

UPOZNAJ POTREBE I PRIRODU
PSA DA BI BIO SIGURNIJI



PONOVIMO NAJVAŽNIJI PRINCIP SIGURNOSTI SA PSIMA!

Prije svega da ponovimo najvažniji princip sigurnosti sa psima:

NIKADA, ALI BAŠ NIKADA NE PRILAZITE NEPOZNATOM PSU I UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

Ako je, pak, pas s vlasnikom na povocu - prvo za dozvolu pitaj roditelja, a zatim i vlasnika psa.

A ovaj put ćemo naučiti kako psa pitati želi li se upoznati s nama!

Kada dobiješ odobrenje od svog roditelja i vlasnika psa, sa svojim roditeljem možeš prići psu koji je na povocu.



PAŽNJA: Nemoj prvi pružati ruku psu i ostani na sigurnoj udaljenosti.
Čekaj da ti pas sam „kaže“ želi li to ili ne!

Ako pas želi da se upozna s tobom, sam će ti prići.

Sjeti se, psi se „upoznaju“ njušnjem!

Ako ti pas priđe i onjuši te i pri tome opušteno maše repom, možeš ga pažljivo, opušteno i nježno pomaziti ispod njuške ili po leđima, niz dlaku, ali nikako po glavi i u blizini usta.



ZAPAMTI: NIKADA, ALI BAŠ NIKADA, NE PRILAZITE NEPOZNATOM PSU I UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

PSI SE PLAŠE GLASNIH I IZNENADNIH ZVUKOVA!



Znamo da psi imaju jako dobro čulo sluha, mnogo osjetljivije nego naše.

ZATO SE POSEBNO PLAŠE GLASNIH I IZNENADNIH ZVUKOVA POPUT PETARDI I VATROMETA.

Kada je pas uplašen, u panici može reagirati nepredvidivo, pa te može i povrijediti. Zato nikada ne proizvodi nagle i glasne zvukove u blizini pasa, a svog psa zaštiti od okruženja koje ga uznemirava i plaši.

ZAPAMTI: I NAJMIRNIJI PSI S KOJIMA SE ČESTO IGRATE MOGU VAS NENAMJERNO POVRIJEDITI AKO SE UPLAŠE! NIKADA, ALI BAŠ NIKADA, NE PRILAZITE NEPOZNATOM PSU I UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

NIKADA NE PRILAZI PSU KOJI JEDE I LI SPAVA!

Većina pasa se osjeća ugroženo ako mu neko pride dok jede, jer se plaši da će mu neko uzeti hranu.

ZATO NIKADA
NE PRILAZI I
NE DIRAJ PSA
KOJI JEDE!



PAŽNJA: I NAJMIRNIJI PAS S KOJIM SE ČESTO IGRAJE MOŽE VAS NENAMJERNO POVRIJEDITI AKO SE UPLAŠI! NIKADA, ALI BAŠ NIKADA NE PRILAZITE NEPOZNATOM PSU I UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

NIKADA NE VUCI PSA ZA UŠI I REP!



Sigurno se ni tebi ne bi svidjelo da te prijatelj ili prijateljica tokom igre vuče za uši ili nos. To bi te povrijedilo i naljutilo, zar ne?! Isto tako se osjeća i pas ako ga neko vuče za uši ili rep ili radi bilo šta što mu je neugodno. Zato psa nikada nemoj vući za uši ili rep i dobro prati njegov govor tijela i signale kako ga nenamjerno ne bi povrijedio ili naljutio.

PAŽNJA: I NAJMIRNIJI PSI S KOJIMA SE ČESTO IGRATE MOGU VAS NENAMJERNO POVRIJEDITI AKO SE UPLAŠE! UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

OBUČAVANJE UZ NAGRADE VAŽNO JE ZA LIJEPO PONAŠANJE TVOG PSA!

Kako bismo što bolje upoznali prirodu psa i tako bili sigurniji, važno je naučiti i što svakom psu treba.

Ako imaš psa, znaš da to donosi mnogo sreće i zabave, ali i brojne obaveze. Sretan pas o kojem se vlasnik dobro brine i pruža mu pažnju i ljubav neće povrijediti ni tebe ni okolinu. Da bi bio sretan, svakom psu treba suho i prozračno mjesto prijatne temperature, zdrava hrana, svježa voda, redovna šetnja i veterinarski pregledi, ali i igra i obuka. Posjeti Dogs

Trust BiH YouTube stranicu i sa roditeljima pogledaj serijal „Obuka bez muke za Dogs Trust cuke“ iz kojeg možeš na zabavan način naučiti o tome kako da sa svojim psom postaneš najbolji prijatelj i kako da tvoj pas uviјek bude siguran za tebe i okolinu!



PAŽNJA: DA BI VAŠ PAS BIO SRETAN I SIGURAN ZA VAS I OKOLINU POTREBNO MU JE MNOGO PAŽNJE, LJUBAVI, IGRE ALI I OBUKA! UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

KAKO IZGLEDA SRETAN PAS?

Kako bismo što bolje upoznali prirodu pasa i tako bili sigurniji, važno je naučiti šta svakom psu treba.

Psi ne govore ljudskim jezikom, ne znaju izgovarati riječi, niti praviti rečenice, pa tako ne mogu kao mi reći kako se osjećaju i šta žele, a šta ne.

Ipak, psi „pričaju“, ali na drugačiji način. Kao i ljudi, psi koriste govor tijela da pokažu kako se osjećaju! Naravno, psi imaju glas, pa ponekad komuniciraju lavežom i režanjem.

Ako je pas sretan i zadovoljan, on u cijelini izgleda opušteno.

Njegove uši nisu ni načuljene visoko, niti su spuštene suviše nisko, a posebno nisu zalizane unazad već stoje opušteno.

Oči mu nisu ni iskolačene niti suviše sužene, a njuška nije naborana, već opuštena.



Zapamtite, pokazivanje zuba u životinjskom svijetu nije isto kao u ljudskom, već često znači prijetnju ili upozorenje.

Rep mu se ne vrti prebrzo i ne stoji previsoko, a nipošto nije ni savijen između nogu već stoji negdje na sredini i može se lagano i opušteno njihati s jedne strane na drugu.

Dobro je poznavati pojedinačne znakove kojim nam psi „govore“, ali da bismo bili što sigurniji, neophodno je gledati ponašanje i položaj psa u cijelini.

PAŽNJA: ČAK I KADA DOBRO UPOZNATE POJEDINE ZNAKOVE KOJI VAM POKAZUJU KAKO SE PAS OSJEĆA, UVIJEK GLEDAJTE POLOŽAJ I PONAŠANJE PSA U CJELINI. UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

ŽELIŠ PSA? EVO ŠTA PRIJE OVE ODLUKE TREBA ZNATI!

Odluka o nabavci psa je vrlo važna za cijelu vašu porodicu.

Ako želite psa, trebate znati da će vam radost, prijateljstvo i ljubav pružiti ljubimac o kojem se dobro brinete. Pas se ne može brinuti sam za sebe i da bi bio sretan potrebno mu je posvetiti puno pažnje i ljubavi. Stoga morate imati dosta vremena i dovoljno sredstava, ali i biti spremni da se za njega brinete za cijeli život!

Iako su djeca često pokretači ove ideje, i mada brojna istraživanja pokazuju da odrastanje uz psa ima brojne koristi, ovakvu odluku moraju donijeti odrasle, odgovorne osobe kao što su vaši roditelji.



PAŽNJA: PAS NIJE IGRAČKA VEĆ ŽIVO BIĆE KOJEM JE POTREBNA ODGOVORNA BRIGA I LJUBAV ZA CIJELI NJEGOV ŽIVOT!

NIKADA NE PRILAZITE NAPUŠTENIM PSIMA!

Jeste li znali da su svi psi koji žive na ulicama ili napušteni vlasnički psi ili njihovi potomci? Oni nemaju vlasnika koji ih voli i brine se o njima, već su prisiljeni da se sami snalaze za hranu i sklonište. Psi sa ušnom markicom su označeni, jer su prošli program vakcinacije i sterilizacije, tako da ne dobiju potomstvo koje će živjeti nezbrinuto na ulici. Bijela markica znak je da je Dogs Trust finansirao sterilizaciju i dodatne tretmane kako bi psi bili što manji rizik za zajednicu.

Iako mnogi od njih vole ljudе i silno žele topao dom, često su gladni, žedni, smrznuti, pa i povrijedeni ili bolesni zbog čega mogu reagirati nepredvidljivo pa čak nekoga i povrijediti.

Zato **NIKADA** nemojte prilaziti psima na ulici, bez obzira imaju li markicu ili ne, i nikada ne gađajte i ne izazivajte napuštenog psa!

A ako im želite pomoći, obratite se odrasloj osobi u svojoj porodici koja vam može pomoći da to uradite na siguran način i ne prilazeći psu.



SIGURNOST JE NAJAVAŽNJA! ZATO NIKADA NE PRILAZITE NAPUŠTENOM PSU, NIKADA NE UZNEMIRAVAJTE I NE GAĐAJTE PSE NA ULICI I UVJEK KORISTITE PRINCIPE SIGURNOSTI U BLIZINI PASA!

AKO SE PLAŠIŠ PASA!

Niko ne mora voljeti pse niti željeti biti u njihovoј blizini, a neki od nas ih se i plaše. Iako se izbjegavanje blizine pasa čini naјsigurnijim načinom, to često nije moguće.

Ako se plašite psa, jako je važno da o ovome razgovarate sa svojim roditeljima kako bi pronašli način da ti pomognu.

Strah je prirodna emocija koja je važna, jer nas upozorava na opasnost. Međutim, pretjerani strah zapravo može povećati opasnost. Da biste bili što sigurniji, jako je važno da naučite što više o prirodi pasa i principima sigurnosti u njihovoј blizini. Pitajte roditelje da vam pomognu da vježbate ove principe kako biste bili što sigurniji ako se slučajno nađete u blizini psa.

Ako je strah tako veliki da djeluje na tvoj san, igru i školske aktivnosti, ne brini, i to se može riješiti, ali je za to potrebna stručna pomoć!

Evo važnih uputa koje možeš podijeliti sa roditeljima!

Pas se vjerovatno više plaši tebe nego što se ti plašiš njega.

Nikada nemoj vikati, mahati rukama ili trčati u blizini psa, jer ga to može još više uplašiti ili može pomisliti da želiš da trči za tobom.



Ako je pas podalje od tebe, laganim korakom se odmakni u suprotnom pravcu, na sigurno. Ako je pas već blizu ili ide prema tebi, pokušaj da ne pokažeš strah, već stani mirno, prekriži ruke na prsima i gledaj ili prema dolje ili prema gore, samo ne u psa. To je naјsigurniji put da pas izgubi interesovanje i da te ne smatra prijetnjom, te da se ubrzo sam udalji. Kada se to desi, ti se polako, bez trčanja ili vikanja udalji u suprotnom smijeru



PAŽNJA: SIGURNOST JE NAJVAŽNIJA! AKO SE PLAŠITE PSA, OBAVEZNO ZATRAŽITE POMOĆ RODITELJA I S NJIMA VJEŽBAJTE PRINCIPE SIGURNOSTI U BLIZINI PASA

ŠTA TREBA ZNATI AKO SE PLAŠIŠ PASA?

Ako se plašite psa, izbjegavanje njegove blizine čini se najsigurnijom metodom, ali nekada to nije moguće. Ako se plašite psa, jako je važno da o ovome razgovarate sa svojim roditeljima, kako bi pronašli način da vam pomognu.



Psi osjete i često prate emocije ljudi i drugih životinja. Ako je vlasnik tužan i pas će pokazivati znakove tuge, a ako je sretan i pas će biti radostan. Ali pas osjeti i kada je uplašen, i ta emocija ga straši.

Da biste bili što sigurniji, veoma je važno naučiti sve o prirodi pasa i principima sigurnosti u njihovoj blizini. Pitajte roditelje da vam pomognu da vježbate principe sigurnosti kako biste bili što sigurniji ako se slučajno nađete u blizini psa.

- Nikada nemojte vikati, mahati rukama ili trčati u blizini psa, jer ga to može još više uplašiti ili može pomisliti da želite da trči za vama.
- Ako je pas podalje od vas, laganim korakom se odmaknite u suprotnom pravcu, na sigurno.
- Ako je pas već blizu ili ide prema vama, pokušajte da ne pokažete strah već stanite mirno, prekrižite ruke na prsima i gledajte ili prema dolje ili prema gore, ali nikako ne u psa. To je najsigurniji put da pas izgubi interesovanje i da vas ne smatra prijetnjom, te da se sam udalji. Kada se to desi, polako, bez trčanja ili vikanja se udaljite u suprotnom smjeru.

PAŽNJA: SIGURNOST JE NAJVAŽNIJA! AKO SE PLAŠITE PSA,
OBAVEZNO ZATRAŽITE POMOĆ RODITELJA I S NJIMA
VJEŽBAJTE PRINCIPE SIGURNOSTI U BLIZINI PASA



OBUČI SVOG PSA TAKO DA TE RADO SLUŠA!

Ako imate psa, a živite u Sarajevu ili njegovoj okolini, Istočnom Sarajevu, te Zenici i okolini, razgovarajte sa roditeljima da se prijavite za besplatnu Dogs Trust Školu za pse. Roditelji prijavu mogu popuniti na www.dogstrust.ba

Obavezno ih pozovite da zajedno pogledate i serijal na Dogs Trust BiH YouTube kanalu, „Obuka bez muke za Dogs Trust cuke“!

Zapamtite, svi bolje uče ako imaju dobru motivaciju, pa je tako i sa psima. U Dogs Trust Školi za pse ćete naučiti kako da svog ljubimca naučite osnovnim komandama kroz nagrađivanje, nikada kažnjavanje.

Kažnjavanje i vikanje nije ni vaš omiljeni način učenja, a psa može uplašiti i udaljiti od vlasnika, a u panici možda nekoga i povrijediti.

Uvijek obučavajte svog psa pod nadzorom odrasle osobe.

✿ Ako pas radi nešto što ne želite da radi, jednostavno - ne obraćajte pažnju na njega i takvo ponašanje će, ako budete uporni, vremenom prestati. Ako pas vidi da određenim ponašanjem dobija vašu pažnju (čak i ako je to vikanje i grdnja), to će za njega biti motivacija da nastavi sa neželjenim ponašanjem.



✿ Nasuprot tome, kada god pas uradi ono što želite, odmah ga nagradite. On će vremenom takvo lijepo ponašanje povezati sa nagradom, što mu se sviđa, pa mu na kraju nagrada neće ni trebati.

✿ Najvažnije je da budete vrlo uporni, ali prije svega sigurni!

SIGURNOST JE NAJAVAŽNIJA! OBUČAVAJTE SVOG PSA NAGRAĐIVANJEM I UVJEJK UZ NADZOR ODRASLE OSOBE. UVJEJK KORISTITE PRINCIPE SIGURNOSTI U KONTAKTU SA PSIMA I BUDITE UPORNI U OVOM NAČINU, SIGURNO ĆE SE ISPLATITI!

Pogledajte serijal „Obuka bez muke za Dogs Trust cuke“ sa svojim roditeljem na Dogs Trust BiH YouTube kanalu!

NAUČI SVOG PSA OSNOVNOJ KOMANDI „SJEDI”!

- „Sjedi” je jedna od osnovnih komandi lijepog ponašanja psa koja će vam omogućiti da psa povedete sa sobom tamo gdje je psima dozvoljeno.

Evo kako da u četiri koraka obučite svog psa ovoj komandi!

Zapamtite, uvijek obučavajte svog psa samo uz nadzor odrasle osobe koja zna kako obučiti psa uz nagrađivanje i bez kažnjavanja!

- 1. Pokaži psu da u zatvorenoj šaci imate njegovu poslasticu.
- 2. Sada podignite ruku tako da je iznad visine glave psa; pas će prateći ruku i prirodno sjesti.
- 3. Čim pas sjedne, odmah ga nagradite istovremeno izgovarajući „sjedi”! Nagradu dajte iz zatvorene šake, lagano je otvarajući da je pas uzme sa sredine dlana.
- 4. Vježbajte često dok pas ne nauči da će ako sjedne uvijek dobiti lijepu poslasticu.



Pogledajte serijal „Obuka bez muke za Dogs Trust cuke“ sa svojim roditeljem na Dogs Trust BiH YouTube kanalu gdje ćete naučiti i o drugim osnovnim komandama, kao što su komanda „dođi“, komanda „čekaj“ i druge.

SIGURNOST JE NAJAVAŽNIJA! OBUČAVAJTE SVOG PSA NAGRAĐIVANJEM I UVIJEK UZ NADZOR ODRASLE OSOBE. UVIJEK KORISTITE PRINCIPE SIGURNOSTI U KONTAKTU SA PSIMA I BUDITE UPORNI U OVOM NAČINU, SIGURNO ĆE SE ISPLATITI!

ZAŠTO NIKADA NE TREBA MAHATI RUKAMA I VIKATI U BLIZINI PSA?!

Ako vam se neki pas svidi i želite mu prići i pomaziti ga, obavezno pratite principe sigurnosti! Možda vikanje i mahanje rukama u igri može biti zabavno vašim prijateljima. Možda vaše mame vole zagrljaje. Ali pas ništa od toga ne voli!

ZNATE LI ZAŠTO?

- Zato što se pas plaši glasnih zvukova i naglih pokreta. Veći ste od njega pa ga vaši pokreti mogu prestraviti i misliti da ste mu opasnost, te vas od straha može povrijediti!



SIGURNOST JE NAJVAŽNIJA! ZATO NIKADA NEMOJTE VIKATI ILI MAHATI RUKAMA U BLIZINI PSA. NEMOJTE GA NI GRLITI, JER PAS MOŽE POMISLITI DA JE U OPASNOSTI. UVJEK KORISTITE PRINCIPE SIGURNOSTI U KONTAKTU SA PSOM ILI U BLIZINI PASA!

KAKO PAS POKAZUJE DA ŽELI DA SE IGRA?

Uvijek prati principe sigurnosti kada si u kontaktu sa psom i uvijek se sa psom igraj uz odobrenje i nadzor odrasle osobe. Kao i ti, pas nije uvijek zainteresovan za igru; možda bi se radije izležavao i spavao ili jednostavno glodao svoju igračku. Stoga, nikada nemoj psat jerati na igru ako on to ne želi.

Ako se pas želi igrati, najčešće to pokazuje spuštanjem prednjih nogu na zemlju, a podizanjem zadnjeg dijela tijela gore, pri čemu lagano maše repom. Ponekad pas može u ushićenju zalajati, kao da govori, hajde da se igramo, baci mi tu loptu! U ushićenju, pas može trčati okolo i spuštati prednji dio tijela u pozivu na igru.



SIGURNOST JE NAJVAŽNIJA! NIKADA NE PRILAZITE NAPUŠTENOM PSU!
NIKADA NE PRILAZITE PSU BEZ ODOBRENJA RODITELJA I VLASNIKA!
UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

ŠTA MOŽEŠ URADITI DA POMOGNEŠ SVOJIM RODITELJIMA OKO BRIGE ZA SVOG PSA?

Iako djeca ne bi trebala izvoditi psa bez nadzora starije osobe, djeca mnogo toga mogu uraditi da pomognu oko brige za svog ljubimca!

Recimo, mogu provjeriti jesu li zdjele za hranu i vodu čiste ili pomoći pri doziranju hrane. Sigurni smo da i vi pomažete svojim roditeljima.



SIGURNOST JE NAJVAŽNIJA! ZATO:
NIKADA NE PRILAZITE NAPUŠTENOM PSU! NIKADA NE PRILAZITE PSU BEZ ODOBRENJA RODITELJA I VLASNIKA! UVIJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

Djeca, radi svoje sigurnosti, ali i sigurnosti psa, ne trebaju da izvode psa bez nadzora starije osobe, ali postoji mnogo načina da pomognu oko brige za svog ljubimca!

Evo kako možete da pomognete roditeljima oko brige za vašeg ljubimca:

- Pobrinite se da je voda u zdjelici uvijek svježa.
- Pripremite vrećice za pseći otpad prije šetnje.
- Očistite otpad iza svog psa u šetnji i vrećicu odložite u korpu za otpad.
- Uz nadzor i odobrenje roditelja, pomožite u četkanju krvna svog psa.
- Učestvujte u obuci svog psa uz nagrađivanje i nikada kažnjavanje.

Ako vaši roditelji već ne znaju, recite im o besplatnoj Dogs Trust Školi za pse i o YouTube serijalu „Obuka bez muke za Dogs Trust cuke“ na Dogs Trust BiH YouTube kanalu. Zajedno posjetite i www.dogstrust.ba i naučite o sigurnosti u kontaktu sa psom, te o potrebama pasa i odgovornom vlasništvu pasa.



SIGURNOST JE NAJVAŽNIJA! ZATO: NIKADA NE PRILAZITE NAPUŠTENOM PSU! NIKADA NE PRILAZITE PSU BEZ ODOBRENJA RODITELJA I VLASNIKA! UVJEK PRATITE PRINCIPE SIGURNOSTI U BLIZINI PASA I U KONTAKTU SA PSIMA!

SIGURNOST JE I HIGIJENA!

Nikada ne treba zaboraviti na principe sigurnosti u kontaktu sa psom, ali dio sigurnosti je i higijena i vas i vašeg psa!

Pri izlasku, psi vole da njuše sve i svašta i dolaze u kontakt sa drugim psima pa je jako važno da nakon igre i izlaska sa psom dobro operete ruke!

Kako bi vaš pas bio zdrav, treba se redovno brinuti i o njegovoj higijeni. Njegove dekice i igračke treba redovno čistiti, a pse sa dužim krznom redovno četkati. Ako pas živi u kući, prema uputi veterinara, treba ga i kupati i šišati! Pri svakom obroku vi uvijek dobijete čist tanjur, pa je važno da se i zdjele psa redovno Peru.

Pri sljedećoj posjeti,
pitajte veterinara svog psa
kako da se što bolje brinete
o njegovoj higijeni!



SIGURNOST JE NAJVAŽNIJA! ZATO UVIJEK KORISTITE PRINCIPE SIGURNOSTI U KONTAKTU SA PSOM I U BLIZINI PASA ALI NEMOJTE ZABORAVITI NI NA HIGIJENU!

NAUČI SVOG PSA DA U IGRI NE KORISTI ZUBE!

Najvažnija stvar za vaše roditelje je da budete sigurni. Kada imate mladog psa, može se desiti da on nema osjećaj za svoje zubiće pa da vas pri igri malo gricne! Iako je to većinom samo grickanje koje vas neće povrijediti, ipak je važno da svog psa naučite da se igra bez grickanja.

EVO KAKO!

Većina psića, još dok su mali, nauče da u igri ne smiju koristiti ugrize. To uče u igri sa majkom, braćom i sestrama. Tako psić koji osjeti da je gricnut zacvili i pobegne, i tu je igra završena.

Ako ipak u igri sa svojim psom osjetite da vas je pas gricnuo, odmah prestanite sa igrom i ne obraćajte pažnju na njega!

Nakon više minuta, kada se pas smiri, ponovo se počnite igrati s njim, ali svaki put kada vas gricne, odmah prestanite sa igrom i prestanite obraćati pažnju na njega. Psi se vole igrati i neće mu biti drago što je igra prestala, pa će tako naučiti da, ako žele igru – nemagrickanja!



ZAPAMTITE, UVIJEK PRATITE PRINCIPE SIGURNOSTI U KONTAKTU SA PSIMA I IGRAJTE SE SA PSOM SAMO UZ NADZOR I ODOBRENJE RODITELJA, A AKO PAS NIJE VAŠ, OBAVEZNO PITAJTE I VLASNIKA!

NOTES

UČIMO O
PSIMA, JER
**SIGURNOST JE
NAJAVAŽNIJA!**





**BITI VLASNIK PSA JE ZABAVNO
ALI JE I VELIKA ODGOVORNOST**



DogsTrust

Predstavništvo Fondacije Dogs Trust u Bosni i Hercegovini | Gorica 61, 71000 Sarajevo, Bosna i Hercegovina

T +387 33 83 76 49 | T +387 33 83 25 93 | T +387 33 83 26 34 | office@dogstrust.ba | www.dogstrust.ba

